

## 7. Leitunga Kizopnate, leh Laisiangtho leh Nulepa thu

### A. LEITUNGA KIZOPNATE

#### Laisiangtho bulphuhte

2Cor. 6:14; 7:1	Titus 2:9-14	Eph. 6:5-9
Rom. 13:1-7	2Thess. 3:6-15	1Tim. 6:1-2
1Pet. 2:13-25	1Tim. 2:1-6	Col. 3:22-14
1Cor. 10:23-11:1		

#### b) Gammite hihna tawh kumpi leh Gam makaite tawh kizopnate

Zeisu nungzuite i hihna tawh gammi hoihte hi in mi dangte zuih theih ding limpha hi ding hihang. Eite en Khazih a ding tangmite hihanga, a diakdiak in tu hun i leitung gamtat luhek luanziate ah, Pasion kammal tawh kituak a i nuntak tawntung ding kisam hi. Eite kuakua i hi zongin gambup leh khuatual ah Pasion koihsa ukna neite tawh kisai thubulpite a thupi na i sin ding phawkin amau ukna nuai ah i kipiak ding kisam hi (Pet. 2:13-17). Ki-ukna sungah Pasion panna Paul in Rom. 13:1-7 sungah li vei na gen hi. Paul in hih Christiante kiangah laikhak a gelh lai-in zawhthawh thu, ngongtatna leh Roman siahpiaknate nuai-a kipia leitung leh mipi sung a teng uh ahi hi.

Hihte khempeuh theisa in Paul gelhna ah:- *"Pasion guatsate longal in thuneihna neilo uh ahihman in mi khempeuh in hong uk thuneite thu a man pelmawh dinguh ahi hi. Tu laitaka thuneite thuneihna Pasion guatsa ahi hi. Tua bang diudeu in, thuneite a langdote Pasion phuhkipsate a langdo ahi hi. Tua banga a langdote thukhenna kithuaksak ding hi"* (Rom 13:1-2).

Christian-te in langpanna leh lehdona peuh a bawl dingun Paul in hihlo hi. Hih lo lua hi! Pawlpi-in sepkhiat pahna tawh leitung kilamzia khel lo ding cih Paul in thei hi. Tua bang sepzia pen Thuciamthak hihna tawh kigamla ding hi.

Zeisu genna ah:- *"A lungnemte thupha ngah a hi uh hi, a hangin amau in leitung a luah dinguh hi."* (Matt. 5:5).

Christian-te in sepkhiat pah ding khat bek neia tua pen lungdamna thu pulakna ahi hi. Christian-te pen leitunga ding ci leh khuavak hi ding hi (Matt. 5:13-16). Nuntakna leh lungdamna thu pulakna pen a thupi masa bel hi a, tua mah tawh leitung lumlet uh hi. Mi tampite in hithu a tangtut nading un sihna thuak uh a, mi tampite kikat gawp in ci-khuuk sungah na kisemsak a, ahizong in a tawpna ah gualzo uh hi. Tua banga hangsanna na neih keileh Pasion kiangah ngen le cin hong pia ding hi (Act. 4:29-31).

Eite hong hutna dingin gam thukham om hi. Eite in tua pen deihlo thei leh thukim lo thei hanga kumpite khensatnate a san nop loh hun zong om thei lai hi. Ahizong in tua in a sangzaw thuneihna Pasion kammal a palsat mateng peuhmah tua tawh i om khop ding Pasion in hong deih hi (Titus 3:1). Thuneihna khatpeuh pen Pasion kammal tawh a kitukalh leh tua thuneihna ah kipia lo ding hihang (Matt. 22:21). Christian-te i hihna tawh Pasion mai ah i lungsim zong siangsak ding hihang (Acts 24:16). Banghang hiam cihleh i lungsim phawksakna i thudon lohna pen Pasion phawksakna long (bell) thudonlohna hi in, thu um mi khat nuntakna sungah kituah lohna leh haksatna hong tungsak ding hi (1Tim. 1:19).



Thuneihna khempeuh Pasion nuai-ah om a, a sangzaw thuneihna sawlna hilo pi a, langdona khempeuh pen Pasion langdona ahi hi.

Thuneite tunga kipiakna pen naupan lai in kipan hi. Naupangte in a nu leh pate thuneihna lamah a lungsim puak uh a sinna uh pen thunei khempeuh tung-ah a lungsimpuak uh hi tawntung hi. Thuneite tung a kipia a nuntakna bek tawh i nuntakna ah picinna om thei hi. Suahtakna taktak pen mi pawlkhatte ngaihsut bangin ei thu a gamtatna dinga thunei khempeuhte kiang pan-a pai khatna hilo a, i nuntakna tungah Pasion in hong koih thuneite tawh kizoptuah ding leh thu kituah ding sinna hizaw sop hi. Pasionmin leh sianthona sungah lungnuamtak leh daitak a i nuntak theihna dingin thungen in lungdamkohna i neih ding kisam hi. Hih in Zeisu nungzuite i hihna tawh i nuntakna ding leh lungdamna thu i gen nading in a hoih a nuam tenna hong piangsak ding hi. Banghang hiam cihleh hih pen Pasiang deih ahi hi (1Tim. 2:1-6).

### c) Nasepna leh Zumzonna ah

Nasepna pawlkhat ah i kihel ding pen Pasion deihna hi. Leitungah mawhna hong lutna leh mihing tungah samsiatna hong tun ma in, mihing nuntakna ah a thupi mahmah khat in Pasion in nasep leh mawhpauakna na pia hi (Gen 2:15). Pasion in leitang a samsiat khit teh mihing in a taltang tungah khua ul luangin na a sep ding ahi hi (Gen 3:19). Thadahna pen Laisiangtho sungah kimawhpaih hi. Eite khempeuh pen, “teengin i an nek ding i thalawh ding” in thu hong kipia hi. A taktak in Laisiangtho sungah “mikhat in na a sep keileh an nekei hen” ci hi (1Thess. 3:6-15).

#### 1. Nasemte (silate)

**Tuate in Zeisu nungzuite a hihna uh tawh,**

sum le pai cihna bek tawh nasem lo in, Topa Zeisu leh a minthanna dingin na sem dinguh hi (Eph. 6:7).

Atote tungvuah sepna a plate zahtak dinguh a, amau tunga thunei khempeuh tungah kipia ding cih hi. Tua bang tawh Pasion min kipahtawi in kigensia lo ding hi (1Tim. 6:1-2; Eph6:5-6)

#### 2. Nasemsakpa (aih keh to)

Zeisu nungzuite ahiahmah bangin na sep neite pen a nasemte a sawl na vai khempeuh ah dik in hoih dinguh a, Topa tungah a bawl bangin vaihawm dinguh a; migi tak, hoihtak leh maitang deidan lo ding hi. A taktak in nasep neite pen topa Zeisu Khazih nasemte mah hilel uh hi. A nasemte uh bangci bawl cih Topa in naitak in encik hi. A dik omdan leh mawhpauakna thei tak a vaihawmnate pen amaute tungpan kisam hi (Col. 4:1).

#### 3. Pasion Laptohna thubulpite

thuneute encik in, “Tawmcik tunga muanhuaite tampi tungah kimuang thei dinga tawmcik tunga muanhuai lote tampi tungah zong a muanhuai kei ding hi? (Luke 16:10)

pilvang tak in sum zangin, “Tua ahiah ciangin note leitung hauhna kem dingin na muanhuai kei uhleh hauhna taktak kem dingin note kua in hong muang ding ahi hiam? (Luke 16:10).

Midangte neih le lamte hoih takin kem in: “Mi dang khatpeuh neihsa tungah na muanhuai kei uhleh no neihsa ding kua in hong pia ding ahi hiam?” (Luke



16:12).

- Pasion mai-ah kiniamkhiat in: "A hun a tun ciangin amah in note hong tawisan theih nadingin a thahat Pasion khutnuai ah no le no na kiniam khiat un" (1Pet. 5:6)
- Nasem hi in: "Mi khatpeuh a masak pen nopleh a nunung penpen leh a dangte nasem ahieh phot loh phamawh hi." (Mark 9:35).

#### d) Nasep Neilote

Zeisu nungzuite ahieh na uh tawh a hicih dinguh kilawm hi:-

- mihon kilem diamdiamna kidawm in.
- lawptak in nasep leh sep ding zong in.
- kisapnate a sik dingin upna tawh Pasion en in.
- thadah lo in, ahieh theihna lampi khempeuh tawh Topa' na sem in Ama hong koihna mun na theih nading zong in (James 4:15; Pro. 3:5-6).

#### e) Nuntakna Thubulpite

- Etehe theih dinginom inla, na nuntakzia-ah a maan na gen nading thalawh in.
- "mite in na gamtatna hoihte uh a muh ciangin vantunga om na Pa uh a phat nading un na khuavak uh mite mai-ah na tangsak un" (Matt. 5:16).
- lungnuam in om inla kisel kitotna, kigensiat na leh phunnate khempeuh tawh kisawh kha kei-in (Phil. 2:14).
- Na khatpeuh na sepna-ah upna tawh sem in. Banghang hiam cihleh upna tawh na sep theih keileh tua pen mawhna hi (Rom. 14:23).
- Na hihna khempeuh Pasion minthan nading in na hih in (1Cor. 10:31).
- Zeisu thugente phawk in. "Mikhatpeuh in ka nung hong zuih nopleh pello in amah leh amah kinial dinga nisim in ama singlarhah kisan in hong zuih kul hi." (Luke 9:23).

## B. LAISIANGTHO LEH NU-LE-PA THU

### Laisiangtho bulphuhte

1Cor. 7:1-40

1Thess. 4:3-8

Heb. 13:4

1Cor. 6:9-21

Gen. 2:24-25

#### b) Thupatna

Zeisu nungzuite in leitunga omlai mite sangin nu-le-pa thu-ah a tuam dang lungsim puak nei ding hi. Amau lungsim puak pen 'hoih dinga na ngaihsut leh sem in' cih hilo in Pasion gen bang zia tawh kituak ding hi. Pasion pen nu-le-pa thu a langpang hilo hi. A taktak in tua pen Ama ngaihsutna hi a, tua bang dinga hong bawl ahi hi (Gen 1:27). Pasion in nuam a sa dingin hong deih a, ahizong in a kidal gamgi khat sung hi ding hi. Hih nu-le-pa thu pen nopsak nading bek hilo in, mihing gui a kizop suak nading zong hi. Pasion in i neih i tate itna leh kepna donna innkuan dinmun sungah a suah dinguh deih hi. Tua hang mah in Pasion in nu-le-pa thu zatna-ah a ngiat zuih ding thute hong pia hi. Hih zuihding thukhunte in nu-le-pa thu pen kitenna lopi tawh pasal leh numeite in nopsak nading bek-a zat ding kidal nadingin geel-a itna leh kidon kikepna in kitenna pen hi theisak hi.



Pasian thukhun palsatna in mi tampite lungkiatna leh nopsak lohna tun a, tua in thukhun palsatte bek hilo in bangmah theilo tua mawhna ii suk khakte zong sukha a, nupa kikhen innkuan sunga naupangte cih bang hi-in hih thute khempeuh a tel thei dingin neulua lai uh hi.

c) **Nu-le-pa thu pen Hoih in Siangtho hi.**

Kitenna sunga nu-le-pa thu pen a pahtawihuai leh a hoih nakhat in Laisiangtho in hong gen hi.

*“Mi khempeuh in, kitenna pahtawi-in nupa lupna siangthosak uh hen; a hangin numei pasal paktatnate khempeuh le ang kawmte tungah Pasian in thu a khen ding hi.”* (Heb. 13:4).

Hih nu-le-pa thu pen kitenna ading bek hi taktak hi.

d) **Laisiangtho leh Angkawmna (Mark 7:20-23)**

Angkawmna pen tenpih neisa mikhat in tenpih nei nailo mi khat tungah a luppihna ahi hi. Hih in Pasian leh mite mai-a kibawl kitenna kamciam zong susia hi. Hih in kitenna bangzah in lahuaina tun cih thei a hihna Pasian in thei ahihman in thukham sung (Exo 20:14), leh Moses thukham sungah na khaam-a, hih thukham a palsatte ading dantatna pen suanga denlup ding ahi hi (Jn. 8:4-5).

e) **Laisiangtho leh kitenna pualam-a nu-le-pa thu (Acts 15:20).**

Hih pen Laisiangtho in angkawmna aih keileh numei-pasal paktatna ci hi. Hih pen lup ‘kawikawina’ aih keileh tenpih nei nailo mite lak-a thangtatna ahi hi. Khat le khat a ki-it kingai leh a kidon, kikem kiteng nai lo mite kikal nangawn-a nu-le-pa vai pen Pasian dan hilo hi. Leitung hih pen a pongpi in kisang thei-in a tuaci tat lote bang khanglui vai aih keh mi tuampian bangin kingaihsun hi. Ahizong in Leitung mite zia zui lo a, ding tang in, pahtak-a om ding ahi hi. Hih banga na gamtat theih nading in Pasian in Ama hehpihna leh a thahatna ongpia ding hi.

*“Leitung sum sungah na kiskusak kei un”* (Rom. 12:2. Phillips Laisiangtho)

Lungsimlam pilna neite, thugen pih siamte leh siavuante in hih kiteng nai lopi a angkawmna ah a kihelte theihna pan tampite pen lungsim lam lauthawngna neite ahi hi ci uh hi. Pasian in kitenna pualam-a angkawm loh ding thukhunna a bawl lai-in Ama nasep thei hi. Hih pen eite ading a hoihpen cih teltak in theitheih hang. Christian khat hihna tawh Pasian in hong sawl nasep ding lamlahnate sungah i om ciangin nuntakna dang khatpeuh sangin a hoizaw nuntakna nei hihang. Itna pen a sang bel thu bulpi ahi hi. Itna in nang leh kei nuntaknate ading hong kikhama tua in i nopsak nading naak hong suak hi. Kitenna pen pumpi, lungsim leh khate kigawm khop nading lungtupna hi a, ahizong in ci le sa lunggulhna hatlua ahihman in hih geelna khempeuh a siasak hong suak hi. Nu-le-pa thu pen a kicing kizop tuahna ding hi a, tua pen nuntakna lungsim lam thu theihna leh ci le sate kihel hi. Hih a dang teng pan-a ci le sa nu-le-pa thu tuam khenna in pasal leh numeite ading a Pasian lungsim-a ‘kicinna’ pen ngahzo lo sak hi.

f) **Laisiangtho leh Khawvalna**

Hih pen ‘kihelna’ aih keileh kiten ding tupna taktak neilo pi-a lungsim lawp pakna hanga kingaihna cihna hi. Lawm kingaihna pen thupi mahmah hi. Banghang hiam cihleh khat in a thupi ngaihsut loh hangin a khat-a ding suuksia mahmah thei a, tua in natna lian piangsak thei hi. Christian khangnote bel thusin khop na-ah a kithuahkhop dinguh kism



ahihman in numei leh pasal, pasal leh numei kilawmtat na phal ding ahi hi. Khat le khat koici ki-zop tuah ding cih a sin dinguh kisam hi. Khat le khat a kimuh tuah dinguh kisam hi. Banghang hiam cihleh nitumna lam gamte ah zi le pasal zonna dinguh hi bangzia aa kimuhna bek tawh piang thei hi. Ahizong in hite khempeuh laizangah Khazih itna in uk ding hi.

Zinei pasalnei nai lo mite in a kithuahpih dinguh khat bek koih lo ding hi. Banghang hiam cihleh, hi bang tawh tuanu tuapa pen amau ading a tenpih ding pa hi dingin ngaihsun kha thei uh hi. Numei in pasal, pasal in numei thu kikuppihna i neih ciangin ei bek omna zong kidop ding thupi hi. Banghang hiam cihleh deih lohpi in lungsim motlawpna ah hong tun thei hi. Paul in Timothy tungah khangno nupite pen siangtho tak in sanggam numei-banga bawl dingin (1Tim. 5:2) a gen pen a hoih thu ahi hi.

#### g) Laisiangtho leh Zawlhelna

Kitenna pen minih kalsuan khawm dinga a vaihawm ahihman in 'hakkol' ahi hi. Thu-um lo mite tawh hakkol puakkhop loh ding Laisiangtho in hong hanthawn hi (2Cor. 6:14). Thu um lote tawh kiten ding Pasion in hong deih lo hi. Banghang hiam cihleh lunglutna leh cihtakna ah kithutuah lohna hih in piang sak hi. Na tenpih khit leh thu-umlo na lawm pen thupha a piak nading in Pasion in nang hong zang thei hi (1Cor. 7:14). Zawlhelna in kitenna dingin kisak kholhna ah kizoptuahna khangsak hi. Kilawna kikawinate pen zat ding hi a, ahizong in kitenna pualam-a lupkhop loh ding cih thukhun pen zat lai ding mah ahi hi. Pasion a lungkimsak nuamlawm kingaite in a 'khauhpailla' kilawn kikawina (na lawmnu/lawmpa vankhamte zut sakna) te zat ding hilo hi. Banghang hiam cihleh hih in lupkhopna hong tun ding hi. Hih pen ze-etna lianpi-a koih ding ahi hi. Mualsang tungah nai khat tai 100 in na mawtaw hawl thei hi teh, aih keileh nai khat tai 30 in zong hawl thei hi teh. A dipkuat huaizaw a manlang zaw-a taina in siatna hong tun thei hi. Kingaihna kingak thei a, lunggulh na bel kingak thei lo hi. Pasion ngimna bel mothak hun in a kiten ni-in nungak siangtho hihna tawh a pasal a dawn ding ahi hi (2Cor. 11:2). Na kizop tuahna Pasion sungah a mannak leh khat le khat nu-le-pa vai ah a kip suak-a na om nading in haksa pi a na om ding kisam lo ding hi. Pasion mi in tuate khempeuh len hi. Kizop tuahna khempeuh ah itna kingaihna pen a uanglua thubulpi hikha thei cih phawk in.

#### h) Laisiangtho leh Ei le ei ki ukzawhna

Nu-le-pa lunggulhna pensunglam meikuang tawh kibang h (Pro. 6:27-29). Inn sung thuk tungah singluangte a kuan hang lauhuai hilo a, ahizong in pialkhang khawngah a kuan leh innkang ding hi. Ei le ei ki-uk zawhna in thuk sungah meikuangsak a, tua pen mun maan, hun maan ah mi maan in a lunggulhna kemhi (Pasion zia-a nuntakna - Arthur Wallis)

Pasion in ei le ei ki-uk in i siantho ding thu hong pia hi (1Pet. 1:13-15). Khut hiam vante hiam zanga lungkim zonna (masturbation) zong ki-uk zawhna tangá vanzat khat hi. Tua bang gamtatna pen Pasion in kitenna ading a a ngim lupkhopna pan a kingah nopsakna sangpen ngah theih nadinga na zahmawhte nang leh nanga khoih a, lawna tawh thawhsakna ahi hi. Hih pen nu-le-pa paktatna leh angkawmnate zah in mawhna bel hi lo hi. Ahizong in nulehpa vai ngaihsutna leh a siangtho lo ngaihsutnate tawh a kithuah leh hih pen mawhna hi (Matt. 5:27-28). Hih in nang hong zo in, na kikep zawh keileh zong



mawhna mah hi (1Cor. 6:12; Titus 2:11-2). Hi bang a gamtat ding hilo hi. Ei le ei ki-uk zawhna pen a piang thei hi a, Pasion tupna ahi hi. Pasion tup banga pai ding khensatna ah lawhsapna hangin nusia lo ding hi teh. Hi bang khut leh vante zanga lungkimna zonna pen mawhna hilo cih phawk in. Hi bang na sep na hangin Pasion in hong pampaih lo hi. Pasion in hong it in hong vei hi. Tua pen ki-uk sak kei bek in (Micah 7:8; 1Thess. 4:3-4). Hih nu-le-pa thu ze-etna tawh kidona pen lungsim galdona taktak hi. Na lungsim ah na zawh leh tua galdona na zo hi (2Cor. 10:3-5). I lungsim sunga a hatluate i sukzan ding a kisap mah bangin i thanemnate zong thahatsak ding kisam hi. Hi banga i tat nading a kisam hatna/sep theihna khempeuh Pasion in hong pia khinzo hi (Rom. 12:2; Eph. 4:22-24).

#### i) Laisiangtho leh numei-numei, pasal-pasal lupkhopna (Homosexuality).

Hih pen pasal in pasal tawh numei-in numeitawh (lesbianism kici) lupkhopna cihna hi. Hi banga ngeina lo lupkhopna khempeuh Pasion in mudah ensan hi (Lev. 18:22-23). Pasion in khat tuak ading pasal leh numei bawl khin a, amau kibat pih tek tawh lupkhop ding hilo hi (Rom. 1:26-27; 1Cor. 6:9-10). Christian i hihna tawh hilo a ngeina lo lupkhopna khatpeuh i muh dah ding hi a, ahizong in tua banga Pasion-zia lo a gamtatnate ah thangzak banga awk mite lainatna na neih ding phawk in. "Khatvei hi bang a gamta sate a tawntungin gamta hi' cih genna pen thumanlo hi. Mi khatpeuh in Topa Zeisu Khazih min leh i Pasion Khasiangtho tawh kisawpsiangthei, kisiansuah in kidiksak thei hi (1Cor. 6:11) Christian-te i hihna tawh Khazih tawh kikhailum khawm khin hanga ei a nungta hi nawnlo in i sungah Khazih nungta hi (Gal. 2:20).

#### j) Laisiangtho leh Kitenna Sunga Nu-la-pa Thu

Hih lai ah Laisiangtho pen siang mahmah hi.

"Tua ahiah ciangin mipa in a nu leh a pa nusia in a zi beel a amaute in sakhat suak uh hi." (Gen. 2:24).

"Pisial in a zi tungah nupa hihna a tang cingsak ding hi. Tua mah bangin zi-in zong a pasal tungah a tang cingsak ding hi. Zi pumpi amah kia aa hilo in a pasal aa zong ahi hi. Thungen dinga na kipumpiak theihna dinguh a, na kithukim na uh hun tom kha kal simloh kuamah na kidek kei un. Note pumpi na ki-uk zawh lohna uh hanga Satan in hong khen zawh loh nading in tua bang hun khit ciangin na kigawmkik un." (1Cor. 7:3-5).

Itna pen kitena khempeuhte laigil ahiah ding kisam hi. Itna in a dang khatnu khatpa kiangpan a hoihpen deih hi. Itna pen kitenna kizoptuahna sunga gamtatna khatciat nungah a thapia ahiah ding kisam hi.

#### k) Dotnate leh kikupkhopnate

1. Thuneihna nih kikal-a kithu tuahlohna a lak a nuai-a etteh ding thute ngaihsun in:
  - (i) Peter leh John (Acts 4:18-20) Peter leh John-te in mikhat ading thunget sakuh-a, a lamdang tak in hong dam hi. A nih un kiman-a Zeisu min tawh thu a gen loh nading un kitawng hi. Amaute in bangci dawnkik hiam? A kitukalh thu neihna nihte bang hiam?
  - (ii) Mei kuangsunga Hebrew mi thumte (Daniel 3): Tuate in tua gam thukham zuih ding nial uh a, Kumpipa' thupiak leh milim mai-ah kun nuam lo uh hi. Tuate in bangci dawnkik uh hiam? A kitukalh thuneihna hihte bang hiam?
2. Pasion in eite lungsim puak i thuhkiknate leh i thumanna hong sitna dingin ama



- tangin thuneite zang hi ci-in na ngaihsun hiam?
3. Pasion kammal leh eite lungsim phawk theihna i kipiakna ding mun adang thuneihna in bangbang a gen zong in, etteh ding thute kupkhoppih in.
  4. Ama innkuan a sik lo mipa tawh kisai Laisiangtho in bang gen hiam? (1Tim. 5:8).
  5. Colossians 3:22-25 sim inla a nuai-ate dawng in. Na semte i hihna tawh i nasep neite' na i sem hiam?
    - Na khempeuh ah, aih keileh pawlkhat ah a thu-uh mang?
    - Sep dinga hong kigente bek sem?
    - I Pupa-a lungdam sak ding nasep khat sepna?
    - Lam-et na zah sang sem zaw?
    - Ut lopipi in: a kicing zah in thaman hong kipia lo cih theihna tawh? Zeisu nungzui khat bangin na na sem taktak mah hiam? Na thamante taktak kua in hong pia ding hiam?
  6. Ephesians 6:9 sim inla a nuai-ate dawng ih:-
    - Na na sem pa na tawnbawl gawp ding a maan mah hiam?
    - Pasion in nasempa sangin na semsakpa a zahtak zaw hiam?
  7. A nasepte thumantaka a bawl nasem sakpa Pasion in bangci muh hiam?(2Sam. 23:3-4).
  8. Dinmun sanga nei mite a dingin Topa Zeisu Khazih in bangci bangin etteh ding suak hiam? (Phil. 2:5-7).
  9. Pasion in eite hong lah nasepna mun pen Ama Gam sunga a ngimnate ading in khantohna ding, sittelna cih theihna leh hong kigin kholhsakna dinga Pasion in a zat mun ahi thei ding hiam?
  10. 'Nasepna leh sumzonna' cih thulu khen nuai-a laihihna sung a thukhun bulpite mah pen siapa leh sangnaupangte kizopna ah a kizang thei ding hiam?
  11. Na hih lohpi nakhat hangin thuak lecin, bang cih ding na hiam?
  12. Ei le ei ki-uk na nuntakna tawh nuntakna dingin Laisiangtho hong gen bangin i nu-le-pa thu nuntakna tawh kisai in Pasion in a hehpihna hong pia ding hiam?
  13. Banghang in kitenna pualam-a lupkhopna in mitampite siasak hiam?
  14. Zeisu nungzui taktak bangin i nuntak nop leh khuavalna leh zawlhelna thute ah i lungsim puak bang hi ding hiam?
  15. Bang laibute leh Magazine namte sim na hiam, bang nam TV channel leh Videote en na hiam: bang nam radio leh cassettete ngai na hiam? Na sepna khempeuh pen Pasion minthan nading hi ding hi. Tua na dinmun ah Zeisu a bangci tam? Nang hong mawhsak thei ding etna maw ngaihsun maw khatpeuh pai khia in khawlsan in. Pasion a daisak nasepsa khatpeuh leh tu laitak a na sep khatpeuh hangin Pasion tungah mawhmaisakna ngen in.

### 1) Tomlakna leh Zatpahna

1. "Kong gensa bang tektek un daitak in nungta hithiat a nomau nasep mah sem in nomau khut mah tawh na sep ding tuppen in nei un. Tua in a pualam mite in na nisim nuntakna uh a zahtak theih nading uhleh kuama tunga kinga sawn na hih lohna dinguh ahi hi." (1Thess. 4:11-12).
2. Pasion in a hoih gammite banga nuntak ding leh Ama phuhsa ong-uk thuneite

tunga ki-ap dingin Pasion in hong sam hi.

3. Pasion in thadahna mudah ahihman in na i sep ding Pasion in hong sawl hi.
4. Nasemte in a nasepna dinmun vuah ki-apna zahtakhuai leh a nasepnate' tung vua thu manga Topa ading na sep ding kisam hi.
5. Nasep neite pen nasemte tungah thumaan in, hoih in, a migit dinguh ahi hi. Topa Zeisu Khazih gamtatzia zui-in nasemte tungah topa hilo in a nasem uh hizaw sop dinguh hi.
6. Pasalte leh numeite pen nu-le-pa thu ah nuam a sa dingin Pasion in hong bawl hi.
7. Kitenna pualam ahih kei nakleh Pasion in nu-le-pa thu langpan lo hi.
8. "A siangthote' ading in na khempeuh siangtho hi" (Titus 1:15).
9. Zeisu nungzui khat in nu-le-pa thu nuntakna ah amah leh amah ki-uk zo mi hi ding hi.
10. Zeisu nungzui khat in Pasion a daisak dingin a kibatpih loh numei/pasal tungah thu maantak in nungta in bangmah sem lo leh gen lo ding hi.
11. Pasion in a ngeinalo lupkhopnate kih hi.
12. Kitenna sunga lupkhopna in a lawh kuang ding leh khat le khat a ki-ap tuak nading un itna nei ding hi.